

SIMONIS PISTORII  
OPPOLIENSIS SILESII.

Epigrammatum

Oeternio decimus sextus.

*Magnifico & Generoso Viro*

D. CHRISTOPHORO  
SIENIVTÆ

*In Łáchowce, Sienjutow, &c. &c.*

Domino & Fautori colendo.

dedicatus.

Ad Lectorem.

*Hec quoq; si non sunt ad gustum Carmina facta,  
Da Lector tinea, & meliora cane.*



Magnifico & Generoso

D. CHRISTOPHORO SIENIVTÆ

*in Łáchowce, Sienjutow, &c: &c.*

Domino & Fautori suo.

S. P.

**S**I cujus unquam adventum & conspectum deside-  
ravi haftenus, Magnifice Domine SIENIVTÆ,  
tuum certè desideravi: ut te Virū tantum in Chri-  
sti Ecclesia à mundo quidem contemptibili, à Deo  
autem Optimo Maximo honorifica, ex facie cogno-  
scere possem, quem famā & auditione jam dudum  
probè cognoveram. Antè biennium spes erat certa  
tui ad nostram Synodum veniendi, quā spe mirificè  
exhilarabar, salutare enim te ac de felici tuo ad nos  
advētū gratulari animus mihi gestiebat. Verūm quia  
hac spe delusus fui (tua enim magna, quibus tūm  
Lublīni necessariò occupatus eras, negotia, non per-  
misēre vota utriusq; nostrum ad suum perducere ef-  
fectum: nunc etiam quoniam de eadem spe decido,  
tui unquam conspiciendi, ideo constitueram in ani-  
mo quoquo modo me in tui notitiam & amorem in-  
sinuare, promptissimamq; voluntatis meæ erga te  
tam insignem Virū significationem declarare. Quod  
nunc facio, conscriptū à me, pro suscepto more meo,  
Oċternionem Epigrammatum tibi offerendo, & hu-  
millimè consecrando. Quem ut heroico animo, ac  
vultu hilari unā cum authore illius Mag. D. T. ad-  
dictissimo suscipias, vehementer etiam atque etiam  
rogo. Vale.

S. P.





Ad Magnificum & Generosum Virum  
D. CHRISTOPHORVM SIENIVTAM

**F**amâ note mihi, facie non note, celebri  
Et veteri ducens nobilitate genus,  
Suscipe pauca modò vultu, SIENIUTA, sereno  
Carmina, quæ donat nostra Thalia tibi.  
Carmina de rebus variis, ad docta Virorum  
Pectora scripta, pius quæ mihi junxit amor.  
Sunt ea parva quidem: legimus tamen hæc quoq; grate  
A magnis quondam sumpta fuisse Viris.

Ad Illustrem, Magnificum & Generosum Virum  
Dominum IACOBUM Sienienium Palatinidem  
Podolientem, Dominum & Mecænatem suum  
colendissimum.

**EX** magnis heros SIENIENI heroibus orte,  
De tot Germanis unice Frater, ave.  
Dignos laude Viros, quos nostra Thalia celebret,  
Te quoq; præteritum non finit esse mihi.  
Haud tu degeneres Patris, quem fata tulerunt,  
Quo vix res habuit publica nostra parem  
Inter custodes Patriæ, Regisq; Senatum,  
(Terra Palatinos quos vocat ista Viros)  
Adnumeratus erat, sani non futilis author  
Consilii, cujus sunt documenta, fuit.  
Nec tibi consilium prudens, nec copia rerum,  
Nec scite fandi lingua diserta deest.  
Vidimus eloquii currant tibi quanta, IACOBÈ,  
Flumina, quale tuo nectar ab ore fluat.

Liber

Hinc eductus eras ad magna comitia Regni  
Sæpe; hinc jura tibi tradita sæpe fori.  
Sed quis connumeret monumenta insignia cuncta,  
Magna virtutis, magne IACOBE, tuæ?

Ad Magnificum & Generosum Dominum ANDRE-  
AM MOSCOROVIVM, Ecclesiæ Czarkovien-  
sis Patronum & Fautorem suum.

**C**ui rara, & major prudentia contigit annis,  
Cui genus à prisca nobilitate venit;  
Et cui sunt cultæ à pueris Heliconis alumnae,  
Ingenioq; valens, eloquioq; potens;  
Has ô ANDREA, dotes, hæc munera confer  
Ad laudem summi, qui dedit ista, Dei.  
Publica res patriæ, magis at Respublica CHRISTI  
Ex donis capiat commoda multa tuis.  
Non operæ, nec tu numis, nec parce cruori,  
Si sit opus nostris invigilare bonis.  
Sic te grex CHRISTI, sic CHRISTUS amabit & ipse,  
Atq; tuis votis semper amicus erit.  
Longa tibi saturæ donabit tempora vitæ,  
Post dabit in Regni vivere parte sui.

Ad tædas Nuptiales.

Magnifici & Generosi Viri Domini ANDRÆ LU-  
BIENIECII, Sponsi:  
Et nobilissimæ Virginis SOPHIÆ RUPNIOVIÆ  
SPONSÆ.

Epigramma.

**N**escio quo fato toties, LUBENECIA proles,  
ANDREA, repetis connubiale jugum.

Tertia



Epigrammatum.

Tertia non longo tibi tempore ducitur uxor,  
Quæ SOPHIÆ, Grajo nomine, nomen habet.  
Fato ambæ pericere malo, tibi prole relicta,  
In pignus Socii perpetuale thori.  
Spondeo, ne dubita, nec sum tibi falsus aruspex,  
Iungitur hæc fato jam meliore tibi.  
Hanc promittit Hymen stabili tibi federe nuptam,  
Omne despondet pronuba Iuno bono.  
Ut tecum totos feliciter impleat annos,  
Et sit perpetuo federe juncta tibi.  
Applaudit tua tota domus, tibi fausta precantur  
Præcipue fratres, pectora fida, tui.  
Quiq; tui vero flagramus amore rogamus,  
Ut non durum habeas in tua vota Deum.  
I pede felici, tædas iterato jugales  
Fausstiter, ac felix ad tua tecta redi.  
Et SOPHIA insignis, tecum pulcherrima formâ  
Virgo, fortunæ sit comes illa tuæ.  
Ipse Deus, cujus vos estis pignora cara,  
Dirigat ad nutus omnia vestra suos.

Ad nobilem, doctrinâ & pietate præstantem Virum  
Dominum Christophorum Lubienecium.  
O Fili patrii non degener oris & orthi.  
CHRISTOPHORE, æterni præco diserte Dei.  
Quæ te, quæ tantum dejecit ad ultima virtus  
Præstantem generis nobilitate virum?  
Prælustres Regum poteras volitare per aulas,  
In patria poteras magnus & esse tua.  
Et tamen exemplo patruorum, almiq; parentis,  
Hæc calcanda Dei projicis ante pedes.

*Quam Dux aut Præses, maior CHRISTI esse Minister,  
Quod decuit CHRISTUM non tibi turpe putas.  
Perge age, sic petitur cælum, sic iur ad astra,  
CHRISTOPHORE, hac verus sorte paratur honos.  
Mortale est, quod dat Mundus, mortalis ut ipse est;  
Quod tu das famulis, CHRISTE, perenne bonum est.*

Tumulus Magnifici & Generosi Domini IOHANNIS  
POTOTII, de armis Sreniavva.

**I**ANUS natali splendore POTOTIUS ille  
Nuper in hac recubat contumulatus humo.  
Rege sub ingenti STEPHANO, juvenilibus annis  
Gnaviter aule operam, militiæq; dabat.  
Grandior hinc factus, dignâ sibi Conjuge ductâ  
PALCZOVVSKA, antiquâ quæ fuit orta domo.  
Produxit facie præstantes quinque puellas,  
Nec minus unigenam sustulit ille marem.  
Inde tamen multas neptes, multosq; nepotes,  
Vidit, quo vixit tempore, dante Deo.  
Is quoq; non rarò Legati munus obibat,  
Iudicis & veri munere functus erat.  
Et, quod præcipuum est, superat quod cætera cuncta  
Puræ semper erat Relligionis amans.  
Immò gaudebat patrono Ecclesia tanto,  
Hic eni fundavit providus ille locum.  
Hinc etiam longæ produxit tempora vita,  
Hinc illi rerum copia iusta fuit.  
Atq; ita postquam illi foret octuagesimus annus  
Iam propè defunctus, funere mersus obit.  
Hicq; sub hac à se constructa fornice iusti  
Expectat summum Iudicis ille diem.



Epigrammatum.

Ad MATTHIAM TVVARDOCLEBUM,  
authoritate, & pietate conspicuum Senem, Kise-  
linensem Ministrum, affinem suum.

ET vigili studio, multisq; fideliter annis,  
Qui servis CHRISTO vir venerande tuo.  
Tu penè es solus veterum de classe relictus,  
Istud qui tecum sustinuère jugum.  
Et quanquam nimio studio, nimioq; labore  
Fractus, donari jam rude dignus eras.  
Esse tamen studio non vis immunis ab omni,  
Quod potes, id præstas, sedulitate tuâ.  
Det tibi, MATTHIA, vires, viridemq; senectam  
Ipse Deus, cujus munere munus obis.  
Postq; exantlatum cursum vitæ atq; laborum  
Te simul in regnum transferat ille suum.

Ad Magnificum & Generosum Dominum IOHAN-  
NEM Moscorovium de Moscorovv.

Noster hyperboreis DOMINO dùm servit in oris,  
Et laute IANUS vivit, & in precio est.  
Nec fines patrios nec fidos curat amicos,  
Est etiam oblitus fors laris ipse sui.  
Si te non tangunt hæc omnia, te tua tangat  
Nupta precor fidei tradita, IANE, tuæ.  
Vt nos posthabeas, fidiissima pectora, fratres,  
Hanc tu non debes posthabuisse tamen.  
Ergo rem, causasq; tuas præcide morandi,  
Tolle omnes, quæ te detinuère, vias  
IANE veni, plures reditum nec differ in horas,  
Damna moræ in tantis rebus habere solent.

Libër

In natalem Magnifici & Generosi Domini ANDRÆ  
Kochticii, Ducatum Oppolienſis & Racibori-  
enſis Capitanei, Mecænatis ſui honorandi.

*Sic eſt; ANDRÆ redierunt Feſta, quotannis  
ANDREAS noſter quæ celebrare ſolet.*

*Quem dum fortè ligant alii, pro more vetuſto,  
Fautorem verſu tu mea Muſa liga.*

*Non homines, ſed quadrupedes vincere feroces  
Convenit, à nobis ſit procul iſte furor.*

*Verſibus adde tuis pariter mea Muſa, potenti  
Pro Fautore tuo, fervida vota Deo:*

*Alme Pater, noſtros qui cernis ab axe labores  
Et geris in dextra tempora noſtra manu.*

*Vtile ſi fuerit, nec non cum laude, quod opto,  
Fautori redeant annua feſta meo.*

*Triſtibus exemptus fatiſ, variisq; ruinis,  
Adnumeret vitæ tempora longa ſuæ.*

In Librum Magnifici & Generoſi Viri Domini ADA-  
MI GOſLAVII à Bebelno; quo refutantur quæ-  
dam BART. KEKERMANNI, ex ejus Syſte-  
mate Theologico.

*Iſta KEKERMANNI Scriptis commiſſa quibusdam,  
Quæ grave Theologum Syſtema nomen habent.*

*Si lubet, & mens eſt, ſacras dignoſcere lites,  
Mente velim Lector candidiore legas.*

*Hic quoq; quàm conſtans & inexpugnabile verum,  
Non ex difficili cernere fortè potes.*

*Quàm nil proficitur formas ſe vertat in omnes,  
Diſſona qui vero ſtabiliſſe ſtudet.*

Quod



Epigrammatum.

Quod verum est, semper verum est, nec diffidet illud,  
Seu scriptura uti, seu ratione velis.

Debile sed falsum est, ac ut se destruit ipsum,

Defendi nullâ sic ratione potest.

Esse quod affirmo verum fortasse videbis,

Hoc vigili scriptum si breve mente legas.

Tu qui scripturis, GOSLAVI, & acumine dextro

Scripta KEREMANNI diluis ista modo,

Et reliqua istius quæ sunt commenta farine

Protractus studio deinde refelle pari.

In Librum Precum, reverendi Viri Domini IOHAN-

NI S Stoinii, concionatoris Ecclesiæ Racoviensis.

Sunt multæ, variæq; preces à pluribus oræ,

CHRISTUM non unâ qui ratione colunt.

Sanctius at nihil est, nibilest divinius usquam,

Quas conscripsisti, IANE diserte, tuis.

Namq; cient animos, devotaq; pectora reddunt,

Doctis commemorant nota, rudesq; docent.

Suppeditant fidei rationes, firmaq; rerum

Argumenta, quibus vincitur ipse Deus.

Nil est in votis hominum, quod non sit in illis,

Seu hodierna velis, sive futura bona.

Ætas omnis habet, sexusq; statusq; quod optet;

Est aptus cunctis aureus iste liber.

Quicunq; es pietatis amans, orasq; libenter,

Has indefessâ mente revolve preces.

Ad IOHANNEM MOSCHOVIUM Pannonium

Generum meum gratulatio, pro agnita & recepta

ab eo veritate divina, cujus etiam gratia capti-

vus fuit.

A S

Mos-

MOSCHOVI, quod in has habitatum veneris oras,  
 Misis cognatis omnibus, & patria.  
 Non hæc causa fuit, cumulandis quod regio isthæc  
 Vtilior fluidis & magis apta bonis.  
 Hæc in natali poteras acquirere regno,  
 Inq; tuis poteras consensuisse focis.  
 Sed quia (quod raris hoc pravo contigit ævo)  
 Hic preciosa Dei gemma reperta tibi est.  
 Gemma voluntatis divinæ, cuius amore  
 Captus cognatos negligis, & patriam.  
 Hic divinarum tibi tanta scientia rerum  
 Contigit, & tantus cognitionis apex.  
 Ut te ipsum servare queas, aliosq; docendo,  
 Æternæ vitæ suave secutus iter.  
 Es felix hac parte, & adhuc felicior istâ,  
 Quod tibi contigerit vincula dura pati.  
 Magna manent fidos Doctores præmia Cæli.  
 Sed te Martyrii, IANNE, corona manet

Ad Præstantem generis nobilitate, doctrinâ & pie-  
 tate Virum Dominum Iohannem Morstinium.  
 Si qua domus sanctæ Fidei ratione, IOHANNES  
 MORSTINI, est certe vestra beata domus.  
 Tanta per hanc regno facta est accessio CHRISTI,  
 Ut vix ista parem possit habere domum.  
 Innumeros fratres dedit, innumerasq; sorores,  
 Hæc domus; ô ex hac parte beata domus!  
 Vester avus veræ fuerat virtutis amator,  
 Et simul Aonia non rudis artis erat.

Edidit



Epigrammatum.

Edidit egregios natos, natasq; venustas,  
Ex casto fidi federe conjugii.  
Omnes unanimi CHRISTUM pietate colentes,  
Salvificæ Fidei quos pia cura tenet.  
Inter quos generis vestri supereminet & author,  
CHRISTOPHORUS, CHRISTI pulchra corona gregis.  
Ille decem eductis vobis in luminis auras,  
Femineæ sortis pignoribusq; tribus;  
Nulli operæ, nulli curæ, nec sumptibus ullis  
Par sit, ut excoleret vestri aciem ingenii.  
Te verò externas jussit quoq; visere terras,  
Aptus ut ad CHRISTI verba docenda fores.  
Deniq; quantum opus est ad alende munia vite,  
Cuiq; sui tantum contulit ille boni.  
Sic vos instituit divini in dogmate verbi,  
In vera CHRISTI devinuitq; fide.  
Nec vos dissimiles in cara prole fovendo  
Estis, præclari digna propago viri.  
Iam tot in æde Dei neptes, cernitq; nepotes,  
Quot sperare ausus vix fuit iste Pater.  
Det Deus, ut plures videat, summiq; per orbem  
Diffusum videat letus ovile Dei.

Ad nobilem Virum Dominum PETRUM STOINI-  
UM, Ministrum Ecclesiæ Czernichov.

PETRE, Ministerii non ultima gemma, STOINI,  
Virginis meritis connumerande choris.  
Et divinarum tanta est tibi copia rerum,  
Totos scire sacros ut videare Libros.  
Hactenus est & vita tibi tam puriter acta,  
Ut jam semideus tu videaris homo.

O te felicem, qui multis, PETRE, coronam  
Præripis, & pleno vadis in astra gradu!

Ad SALOMONEM PALUDIUM SILESIUM,  
Generum meum, Ministrum Racoviensem.

Dogmata commissum tibi sancta docendo, PALUDI,  
Erudis in vera qui pietate gregem.

Hanc, tibi divino quæ munere contigit, omni  
Exorna Spartam sedulitate tuam.

Devotas superadde preces, multumq; legendis  
Invigila scriptis, codicibusq; sacris.

Sic procedet opus, sic ob tua munia fies  
Clarius & ante homines, clarus & ante Deum.

In Bibliothecam IOHANNIS STOINII.

Docte, nec in video, miror magis, integra, IANE  
Quod tua tot capiat Bibliotheca libros.

Sunt tibi Theologi varii, veteresq; noviq;  
Quæis de divinis scribere cura fuit.

Sunt quoq; Philosophi varii, veteresq;,, noviq;  
Res quibus humanas scribere cura fuit.

Sunt etiam Historici varii, veteresq;,, noviq;,  
Marta bella quibus scribere cura fuit.

Est & Doctorum non parva Scholastica turba,  
Quæis doctas artes scribere cura fuit.

Adde, quod & multi tibi sunt, mea cura, Poeta,  
Quæis variis numeris ludere cura fuit.

Cetera Scriptorum, numerum subducere quorum  
Est labor, ingenii sunt monumenta tibi.

Pauperis est numerare libros: mihi curta supellex,  
Authorum; angusta est res mea namq; domi:



Epigrammatum.

*Felix cum vivis qui non modo vivis, at idem  
Cum tot defunctis mutua verba seris.  
Si vis, IANE, tuis tecum collucter ut umbris,  
Nostra tuos capiat Bibliotheca libros.*

Hymeneus, in honorem nobilis & Generosi Domini STEPHANI Przypkovsky, Sponsi: & pudicissimæ Virginis ANNÆ Stoiniæ, Sponsæ.

*Quàm PRZYPKOVİ ardes, & quæ nunc, auspice fato,  
Ducitur in thalamos ANNA pudica tuos.  
Illius magni proles est cara parentis,  
Cujus multa loquax fama per ora volat.  
Quem gentis commendat honos, spectataq; cunctis  
Commendat virtus, eloquiūq; lepos.  
Digna patris soboles, magnum patris ornamentum,  
Quo nil quicquam unquam carius ipso habet.  
Eripis heu dextrum PRZYPKOVİ patris ocellum!  
Dimidium cordis matris inique rapis!  
Quis patris blando curas sermone levabit?  
Quis mæsto suaves promet, ut antè, sales?  
Matris adhærebit lateri quæ fidior ulla,  
Attenta omnigenum semper ad obsequium?  
Si forma in pretio est, si gratia, si pudor ullus,  
Si sal, si virtus, si quid ubiq; boni;  
Hoc, non tam grandi, quam pulchro corpore in uno,  
Delegere sibi tam bona multa locum.  
Ad te autem certatim abeunt, sedem omnia apud te  
Figunt; & tecum non nisi vivere amant.  
Invidet hæc aliquis tibi fors ex ordine vestro,  
Indoluitq; tibi tam bona multa dari?*

At quia,

## Liber

*At quia, dante Deo, STEPHANE, hæc tibi juncta puella est  
(Ipsius ductu namq; ea juncta tibi est)  
Vtere sorte tuâ felix! tua vota secundet  
Author conjugii lova favore suo.  
Nexibus irruptæ mentis vos colliget, una  
Aura sit in bino corpore, & una fides.  
Nec minùs optatâ faciat vos pace beatos,  
Progenie vestram multiplicando thorum.  
Postea perfunctos Nelidæ munere Vitæ,  
Ducat sanctum ambos in penetrale suum.*

Ad nobilem & reverendum Virum Dominum Chri-  
stophorum STOINIUM Ministrum Ecclesiæ HO-  
SCHENSIS Amicum suum intimum.  
*Q'vi feres Patronus nunc, & Pastor ovilis,  
Fimbis in vestris quod modò CHRISTUS habet.  
CHRISTOPHORE, haut cessa totis incumbere remis,  
Vt CHRISTI placidum per mare navis eat.  
Nec parce impensis, ulli nec parce labori,  
Confusus curæ, præsidioq; Dei.  
Ille secundabit tua vota, & suggeret ille  
Que domui fuerint usibus apta tuis.  
Quodq; tui summa est voti, post ultima vitæ  
Fata tuæ, reddet multiplicata tibi.*

## Ad Thalamum

Magnifici & Generosi Adolescentis NICOLAI  
SUCHODOLII sponsi, & nobilissimæ ac pudicissi-  
mæ virginis CZAPLICIAE ALEXANDRÆ filiæ  
Magnifici ac Generosi D. GEORGII CZA-  
PLICII, sponsæ.

*Divino,*



Epigrammatum.

**D**ivino, NICOLAE, tui fore sœdera lecti  
 Fausta, quod uxorem ducî habesq; parem.  
 Sive genus spectes, nihil est illustrius illo,  
 Non est inferior nobilitate tua.  
 Sive annos cernas, nihil est juvenilius illâ,  
 Hic minor ætate est, ut decet, illa tua.  
 Seu sortem videas, est illa Parentibus orta  
 Ditibus, hinc illi dos numerosa satû.  
 Vincula seu fidei advertas, quæ maximas est,  
 In vera par est religione tibi.  
 Quod si respicias vitam, si denique mores,  
 Non est in toto pectore mica doli.  
 Hinc, NICOLAE, tui fore spondeo sœdera lecti  
 Fausta, quod uxorem ducî, habesq; parem.

**A**d Virum Doctissimum & humanissimum D. LAU-  
 RENTIIUM STEGMANNUM Rectorem Ra-  
 coviensem amicum suum svavissimum.

**Q**ui nunc in scholico, LAURENTI, pulvere sudas,  
 Et terres pueros, virgea sceptrâ gerens,  
 Quamvis heul crambem recoquas tu semper eandem  
 Sisyphiusq; licet sit labor iste tuus.  
 Suscepti ne te capiant tamen ulla laborû  
 Tedia, tam durum quæ comitantur opus.  
 Publica res isthinc, isthinc Ecclesia Christi  
 Incrementa suæ sperat habere rei.  
 Parva licet terris, sed cælo maxima merces,  
 Te manet, & vanus non eris iste labor.

**A**d Nobilissimû D. IOHANNEM STOINIUM.  
**Q**uod te commemorat crebrò mea Musa STOINI,  
 Et sine te crescit pagina rara mihi.

Liber

Hoc meus ingenuus facit ardor, Amice, tuusq;  
Candor, & eloquii gratia summa tui.  
Noster amor, fratrum decus ingens, magna, STOINI,  
Materies vatū, vive valeq; diu.

Ad nuptias Viri præstantis eruditione D. SAMUE-  
LIS MORI, Conrect. Racoviensis Amici  
sui optimi.

Care, vage nostræ moderator, MORE, jumente,  
Ducitur in thalamos quæ modò Nuptia tuos,  
Haud humiles ortus adeò sibi vendicat illa;  
Namq; est præcipui filia in urbe viri.  
Cujus avus fuerat divine Præco salutis,  
Vir scriptis præstans, eloquioq; gravis.  
Qui numerat reliquos ab utroque parente propinquos,  
Quorum & nunc magna est copia, multa seges.  
Omnes præstantes, omnes virtute decori.  
Instructi verà cognitione Dei.  
Inter quos fulgent fidissima triga STOINI,  
Qui sacra cum plausu dogmata ritè docent.  
Nec minùs ingenuus est prædita moribus illa,  
Cultu imbuta Dei, religione, fide.  
Contulit illi etiam formam natura venustam,  
Quæ res sæminei gratia rara chori est.  
Denique non cedit fortune in rebus, amatis  
Mirâ germani sedulitate sui.  
Tu persolve Deo tali pro conjuge grates  
Ac tanto felix utere, MORE, bono.  
Vivite Nostreos animi concordibus annos,  
Et post cœlestes scandite sata domos.

Ad lo-



Epigrammatum.

Ad IOHANNEM GIZIUM Glogoviensem Sym-  
patriotam & Amicum suum.

**P**auperū ingenui quæ sint bona: quæ mala, GIZI,  
Divitū, haud nōsti si miser esse times.  
Dat tibi securos Paupertas sobria somnos,  
Dives & in pluma stertere nocte nequit.  
Tota strepit magni parastitū Divitū aula:  
In lare convictor paupere rarus erit.  
Et tetricus Dives nummos, & computat agros;  
Cantat ad exilem Pauper, ovatq; focum  
Dives vol podagra est obnoxius, est vechriragra;  
Securus morbi Pauper ubique valet.  
Querenda infelix est Dives ineptus ad astrā;  
Astrorum pauper spe sua damna levat.  
Hoc quoque nonnihil est, quod Dives cuncta pavescit,  
At timor à vacuo paupere vanus abest?  
GIZI, cū tot sint, vel plura incommoda Ditū,  
Dic mihi, num Pauper sobrius esse velit?

Ad nobilem & reverendum Virum Dominum IO-  
NAM SZLICHTINGIUM, cū ex longo itinere  
domum reverteretur, gratulatio.

**P**ost susceptarum nunc tedia longa viarum,  
Letamur salvum te rediisse domum,  
O tua quot conjunx suspiria traxit ab imo  
Pectore, pro reditu prosperiore tuo!  
Pro rerum quoties successu nos quoque IONA  
Fudimus immenso vota precesq; Deo!  
Gratia sit Superū, nec erant suspiria vana,  
Fusa nec ad summum vota, precesq; Deum.

Liber

*Et tua fida Virum conjunx complexa reuersum  
Te tenet, ac pleno gaudia corde fover.  
Nosq; revertentem dextraq; animoq; tenemus,  
Aspectu leri perfrui murq; tuo.  
Viue diu IONA, ceptosq; resume labores,  
Laudem orna scriptis, eloquioq; Dei.*

Ad Magnificum D. ADAMUM GOSLAVIUM.

*Cum quo decertas, Mecenas optime, scriptis,  
Apparet magni pectoris esse Virum.  
Tanta est ingenio, tanta est fiducia menti,  
Vt nulla vinci se ratione putet.  
Vt te consutes formas se vertit in omnes,  
Victor iudicio retur & esse suo.  
Iudicet, at lector prudens, rerumq; peritus,  
Palmam victori contribuatq; suo.*

Ad IOHANNEM HRADECIUM Bohemum, pie-  
tate & eruditione eximium Virum, fratrem in  
Christo carissimum.

*TE quoque vii vere Fidei, dilecte HRADECI,  
Que nos incolimus iussit adire loca.  
Et patriâ & sociis desertis, atque propinquis,  
Sanguinis innatus quos tibi junxit amor,  
Candide prestare hoc non est res parva, HRADECI,  
Id facit una, ferens premia summa, Fides.  
Dulce solum cuius Patria est, & sanguine juncti,  
Sed rebus cunctis dulcior alma salus.  
Tedia perfero, iustos tolerato labores,  
Et que sunt sorti spe tua damna leva.*

Christus



Epigrammatum.

*Christus in hoc ævo tribuit centupla relictis,  
Deinde perenne tibi conferet ille bonum.*

Ad reverendum Virum D. PETRUM MORZ-  
KOVIIUM.

**I**n quo nunc resides, divine Præco salutis,  
Si tibi mutandus fors erit iste locus.  
Contigerit tibi, PETRE, novi nil, namq; salutis  
Author mutabat sæpius ipse locus.  
Tantæ sunt inimicitie, tantus furor orbis,  
Ut nunquam cesset inquietare bonos.  
Perfer, tum pacis spem concipe, PETRE, futura,  
Hic etiam restant tempora tuta pii.

Ad Magnificum & Generosum D. IOHANNEM,  
MORSTINIUM.

**I**ngenuas artes te cognovisse, IOHANNES,  
Quid juvat, & linguas edidicisse duas?  
Fœcundam curvo terram si vertis aratro,  
Et durum exerces rusticitatis opus.  
Multa arcana Dei, promissaq; iussaq; sancta  
Quid juvat ex sacris te didicisse libris?  
Cum sis Oeconomus, si visa Politica cura.  
Est tibi, siq; tibi vivis, Amice, domi.  
Publica res Christi, cuius tu civis & ipse es,  
Indiget heu! nimium talibus illa Viris.  
Cur tantum, quod habes, telluri, IANE, talentum  
Desodis! ah iusti Iudicii ora time!

Ad Magnificum & Generosum Virum Dominum  
CHRISTOPHORUM SIENIUTAM.

**T**anta sacri vis est, & tanta potentia verbi,  
 Ac promissorum tanta cupido Dei.  
 Qui confidis eis, qui delectatur iudem,  
 Inq̃ sui gremio pectori illa fovet.  
 Ut possint Dites rerum, possintq̃ Potentes,  
 Ad Christi vilem pertrahere illa gregem.  
 Quis non eterne causâ vitæq̃ beatæ  
 Pro nihilo reputet totius orbis opes?  
 Quis Christi causâ non sit perferre paratus  
 Omnia? qui renuat funera dira pati?  
 Exemplo es, **S I E N I U T A**, potens, ditissime rerum,  
 Hæredes multa quem comitantur opes,  
 Nam nec opes, nec Gentiu honos, nec blanda voluptas  
 A Christi potuit te prohibere via.  
 Coniunctus fidei nexu, cum Gente pusilla,  
 Ex qua te tantum non pudet esse Virum,  
 Per varios casus, per tot discrimina sævâ  
 Hostibus à fidei, quæ tolerare soles,  
 In cælum tendis, sedes ubi fata quietas  
 Ostendunt, ubi sunt gaudia pura Dei.  
 Maacte esto, **S I E N I U T A**, ista virtute, maneq̃  
 Fortis in incepto, propositoq̃ tuo.  
 Haud labor ineptus, verum exitus acta coronat,  
 Duranti ad finem pulchra corona datur.

Ad Thalamum Magnifici & Generosi Viri Domini  
**ALEXANDRI SIERAKOVII** sponsi, & nobilissimæ  
 fœminæ **ELIZABETHÆ PRZYPKOVIAE**,  
 sponsæ.

**I**stud **ALEXANDER** ius connubiale secundum,  
 Quod nunc cum pulchra virgine lætus inis,

*Vt tibi*



Epigrammatum.

*Vt tibi sit verè, votis exopto, secundum,  
Tale, tibi fertur quale fuisse prius.  
Blanda sit in vestro semper concordia nexu,  
Vna sit amborum mens, sit & una fides.  
Quam complexi estis, solam veramq; professi,  
Hujus vos teneat Religionis amor,  
Sint sancti mores, sit svaui & integra vita,  
Sit sine labe domus, sit sine labe thorus.  
Sic vos alterius vite spe IOVA forebit,  
Suscipietq; ambos in penetrabile suum.*

Ad Patronum suum Magnificum Dominum  
ADAMUM GOSLAVIUM.

*Q*uod te Mecenas DOROTHEA nepote secundo  
Auxit, & augusto fidere fecit avum.  
Grator, & ex animo divinum numen adoro,  
Te reddat proavum nepti ut ista suum.  
Vtque tuas reliquas natus serosque nepotes,  
Florentes videas, filiolumque tuum.  
Nutriat hunc Iove nata, novem lactentque sorores,  
Atque sua doctus donet Apollo lyrâ.  
Ex te virtutem discat, fideique tenorem,  
Fortunam à summo speret habere Deo.  
Tu quoque Mecenas Pilii senis exige vitam,  
Integer: ô Christi gloria prima chori!

Ad Magnificum D. CHRISTOPHORUM SIENIUTAM:

*O*btigit usurpare mihi quem lumine nunquam,  
Antiquâ & clarâ nobilitate fâse.  
Hec, SIENIUTA, meas postquam pervenit ad aures  
Præclari facti nuncia fama tui.

Libër

Quòd circumventus Sathane cùm fraudibus (author  
 Qui tibi mutande Religionis erat.)  
 Ausoniam instructis venisses rebus in Urbem,  
 Præstandi cæpti, propositique tui.  
 Hic tibi (visa mihi res est ea digna relatu)  
 Gratia propitii contigit alma Dei.  
 Tunc infelici tibi quam mens omine certo  
 In patriis fuerat deseruisse focis.  
 Hanc, SIENIUTA, fidem, Romæ es complexus, eandem  
 Rursus Apostolici quam docuere Viri.  
 Felicem! quem descensu retraxis ab Orci  
 Immensus IOVÆ commiserantis amor.  
 Non cuivis datur inde gradus revocare, sed illi  
 Duntaxat mirè quem Deus æquus amat.  
 Perge bonum, SIENIUTA, Deum redamare vicissim,  
 Cui plus dimissum est, plus redamare solet.

In nuptias Magnifici & Generosi Domini GEOR  
 GII NIEMIERYC sponsi, & nobilissimæ  
 Virginis ISABELLÆ SLUPECIÆ sponsæ.

EST quod gratemur, quòd & hoc Ius, inclyte sponse,  
 Virtuti addideris, connubiale, tue.  
 Tale, quod haud Christum offendit, Gentemq; sacratam,  
 Cum qua te una Fides iunxit, & unus amor.  
 Tale, quod offendit nec te quoque mens tua namque  
 Et Fidei laqueû, insidiâq; vacat.  
 Ambo Deum colitis iuxta sacra dogmata Christi,  
 Humane exosi traditionis opus.  
 Ambo invisa Deo fugitis simulachra Deorum,  
 Quæcunque humane composuere manus.

Differi-



## Epigrammatum.

*Differitas, tolli nequeat, si rebus in ulli,  
 Incolumi maneat semper amicitia.  
 Tu sponse annosi tria secula Nestoris equa,  
 Sponsa Sybillina tempora vatis agat.  
 Utq; pares esli, formaq; anniq; boniq;  
 Este pares animi, & pietate pares.*

Ad Magnificum & Generosum Dominum GEOR-  
 GIUM CZAPLIC, Patronum Ecclesiæ  
 Kisielinensis

*Inter patronos quoniam numerare GEORGI,  
 Gloria CZAPLICÆ pulchraq; gemma domus,  
 Cujus in amplexu residens Ecclesia Christi,  
 Sub patrocinio tuta, vigetq; tuo.  
 Hanc tu inter summas dotes numerato coronam,  
 Istud & immensi muneris instar habe.  
 Nam rerum Domini sit quando Ecclesia Christi,  
 Luminis eterni cara pupilla Dei,  
 Quam sit grata Deo, si quiquam nutriet illam,  
 Res ea, non aegrè cernere sortè potes.  
 Magnates alios oblectent ludicra mundi  
 Quorum cum mundo postea finis erit.  
 Hoc generose bono tu delectare GEORGI,  
 Quod tecum eternum vivet in arce Dei.*

AUTHOR deflet Silesiam, patriam suam.

*O patria infelix! tantis exercita bellis,  
 Sarmatii quondam portio magna soli.  
 Heu! sentis tibi nunc quanti decessio constet  
 Ista! tuo quando facta sit ista malo!*

Depopu-



Depopulata jaces, terris aequata debiscū,  
Innumerū merces civibus orba tuū.  
Vrbs cincta Oppolium, dederas cunabula quondam  
Quæ mihi, ruderibus turpificata gemit.  
Templa silent, ludiq; tacent, Astraq; cessat,  
In vetus omnia sunt pæne reversa chaos  
Terra Polona viget. cui si sociata suisces,  
Nobiscum antiquo persfruere statu.  
Ad tua si posses primordia prima redire,  
Quàm felix iterum patria cara fores.

#### CONCLUSIO.

Omnia sunt ingrata, nihil fecisse benignè est,  
Isto quid dicto verius esse potest?  
SI ENIUTA, ingratis fecisses si benè nunquam,  
O quàm nunc tibi res ista benigna foret!

